

**ZAKON  
O IZMJENAMA I DOPUNI ZAKONA O ODGOVORNOSTI PRAVNIH LICA ZA KRIVIČNA  
DJELA\***

**Član 1**

U Zakonu o odgovornosti pravnih lica za krivična djela („Službeni list RCG”, broj 2/07 i „Službeni list CG”, br. 30/12 i 39/16) član 5 mijenja se i glasi:

„(1) Pravno lice je odgovorno za krivično djelo odgovornog lica koje je učinilo krivično djelo djelujući u ime pravnog lica u okviru svojih ovlaštenja, u namjeri da za to pravno lice ostvari kakvu korist ili kad je djelovanje odgovornog lica bilo u suprotnosti sa poslovnom politikom ili nalogima pravnog lica.

(2) Pravno lice odgovorno je i za krivično djelo koje je u njegovu korist učinilo lice koje djeluje pod rukovodstvom odgovornog lica, ako je izvršenje krivičnog djela bilo omogućeno propustom odgovornog lica da izvrši nadzor ili kontrolu koju je bilo dužno da izvrši.“

**Član 2**

U članu 6 poslije riječi: „odgovorno lice“ u različitom padežu dodaju se zarez i riječi: „odnosno lice koje djeluje pod rukovodstvom odgovornog lica“ u odgovarajućem padežu.

**Član 3**

U članu 14 stav 3 riječi: „hiljadu eura niti veći od pet miliona eura.“ zamjenjuju se riječima: „četiri hiljade eura niti veći od četrdeset miliona eura.“

Poslije stava 3 dodaje se novi stav koji glasi:

„(4) Novčana kazna iz stava 1 ovog člana utvrđuje se u srazmjeri sa ukupnim godišnjim prometom pravnog lica ostvarenim u poslovnoj godini koja prethodi godini učinjenog krivičnog djela.“

**Član 4**

Član 15 mijenja se i glasi:

„(1) Pravno lice će se kazniti novčanom kaznom u iznosu od:

1) dvostrukog do petostrukog iznosa učinjene štete ili pribavljene protivpravne imovinske koristi ili od četiri do četrdeset hiljada eura za krivična djela za koja je propisana kazna zatvora do jedne godine ili novčana kazna;

2) petostrukog do desetostrukog iznosa učinjene štete ili pribavljene protivpravne imovinske koristi ili od četrdeset do osamdeset hiljada eura za krivična djela za koja je propisana kazna zatvora do tri godine;

3) desetostrukog do petnaestostrukog iznosa učinjene štete ili pribavljene protivpravne imovinske koristi ili od osamdeset do dvijestotine hiljada eura za krivična djela za koja je propisana kazna zatvora do pet godina;

4) petnaestostrukog do dvadesetostrukog iznosa učinjene štete ili pribavljene protivpravne imovinske koristi ili od dvijestotine do četiristotine hiljada eura za krivična djela za koja je propisana kazna zatvora do osam godina;

5) dvadesetostrukog do pedesetostrukog iznosa učinjene štete ili pribavljene protivpravne imovinske koristi ili od četiristotine do osamstotina hiljada eura za krivična djela za koja je propisana kazna zatvora do deset godina;

6) najmanje pedesetstrukog iznosa učinjene štete ili pribavljene protivpravne imovinske koristi ili od najmanje osamstotina hiljada eura za krivična djela za koja je propisana kazna zatvora preko deset godina.

(2) Izuzetno od stava 1 ovog člana, za krivična djela iz GLAVE DVADESET PETE Krivičnog zakonika Crne Gore za koje je kao najmanja mjera kazne propisana:

1) kazna zatvora od najmanje pet godina, pravno lice će se kazniti novčanom kaznom u iznosu do 3% ukupnog godišnjeg prometa ostvarenog u poslovnoj godini koja prethodi godini izvršenja krivičnog djela ili novčanom kaznom u iznosu do 24.000.000 eura;

2) kazna zatvora od najmanje osam godina, pravno lice će se kazniti novčanom kaznom u iznosu do 5% ukupnog godišnjeg prometa ostvarenog u godini koja prethodi poslovnoj godini izvršenja krivičnog djela ili novčanom kaznom u iznosu do 40.000.000 eura.“

### **Član 5**

U članu 18 stav 2 riječi: „pedeset hiljada eura“ zamjenjuju se riječima: „dvijestotine hiljada eura“.

### **Član 6**

U članu 20 stav 1 tačka 1 riječi: „deset hiljada eura (član 15 tačka 2),“ zamjenjuju se riječima: „četrdeset hiljada eura (član 15 stav 1 tačka 2),“, a riječi: „hiljadu eura;“ riječima: „četiri hiljade eura;“.

U tački 2 riječi: „dvadeset hiljada eura (član 15 tačka 3),“ zamjenjuju se riječima: „osamdeset hiljada eura (član 15 stav 1 tačka 3),“, a riječi: „deset hiljada eura;“ riječima: „četrdeset hiljada eura;“.

U tački 3 riječi: „pedeset hiljada eura (član 15 tačka 4),“ zamjenjuju se riječima: „dvijestotine hiljada eura (član 15 stav 1 tačka 4),“, a riječi: „dvadesetpet hiljada eura;“ riječima: „sto hiljada eura;“.

U tački 4 riječi: „stotinu hiljada eura (član 15 tačka 5),“ zamjenjuju se riječima: „četiristotine hiljada eura (član 15 stav 1 tačka 5),“, a riječi: „pedeset hiljada eura;“ riječima: „dvijestotine hiljada eura;“.

U tački 5 riječi: „dvijestotine hiljada eura (član 15 tačka 6),“ zamjenjuju se riječima: „osamstotina hiljada eura (član 15 stav 1 tačka 6),“, a riječi: „stotinu hiljada eura;“ riječima: „četiristotine hiljada eura.“.

Poslije tačke 5 dodaju se dvije nove tačke koje glase:

„6) ako je za krivična djela kao najmanja mjera kazne propisana kazna zatvora od najmanje pet godina (član 15 stav 2 tačka 1), novčana kazna se može ublažiti do 1,5 % ukupnog godišnjeg prometa ostvarenog u poslovnoj godini koja prethodi godini izvršenja krivičnog djela ili do iznosa od 12.000.000 eura;

7) ako je za krivična djela kao najmanja mjera kazne propisana kazna zatvora od najmanje osam godina (član 15 stav 2 tačka 2), novčana kazna se može ublažiti do 2,5 % ukupnog godišnjeg prometa ostvarenog u poslovnoj godini koja prethodi godini izvršenja krivičnog djela ili do iznosa od 20.000.000 eura.“

### **Član 7**

U članu 21 stav 1 riječi: „sedam miliona i petstotina hiljada eura.“ zamjenjuju se riječima: „četrdeset miliona eura.“.

U stavu 2 riječi: „stotinu hiljada eura.“ zamjenjuju se riječima: „četiristotine hiljada eura.“.

### **Član 8**

U članu 24 stav 2 riječi: „stotinu hiljada eura,“ zamjenjuju se riječima: „četiristotine hiljada eura,“.

### **Član 9**

U članu 25 stav 1 riječi: „stotinu hiljada eura“ zamjenjuju se riječima: „četiristotine hiljada eura“.

U stavu 2 riječi: „stotinu hiljada eura,“ zamjenjuju se riječima: „četiristotine hiljada eura,“.

### **Član 10**

U članu 33a stav 1 tačka 2 mijenja se i glasi:

„2) gubitak određenih dozvola, odobrenja, koncesija, licenci, subvencija ili drugih oblika pogodnosti koje se daju odlukom državnog organa ili organa jedinice lokalne samouprave;“.

Poslije tačke 2 dodaje se nova tačka koja glasi:

„3) isključenje iz pristupa javnom finansiranju.“.

U stavu 2 tačka 4 mijenja se i glasi:

„4) zabrana sticanja određenih dozvola, odobrenja, koncesija, licenci, subvencija ili drugih oblika pogodnosti koje se daju odlukom državnog organa ili organa jedinice lokalne samouprave;“.

Poslije tačke 4 dodaje se nova tačka koja glasi:

„5) isključenje iz pristupa javnom finansiranju.“.

### **Član 11**

U članu 38 stav 2 tačka 3 riječi: „pet hiljada eura,“ zamjenjuju se riječima: „dvadeset hiljada eura,“.

### **Član 12**

U članu 39 stav 1 riječi: „pet hiljada eura,“ zamjenjuju se riječima: „dvadeset hiljada eura,“.

U stavu 3 riječi: „stotinu hiljada eura,“ zamjenjuju se riječima: „četiristotine hiljada eura,“.

### **Član 13**

U članu 47 stav 1 tačka 2 riječi: „deset hiljada eura;“ zamjenjuju se riječima: „četrdeset hiljada eura;“.

### **Član 14**

Ovaj zakon stupa na snagu narednog dana od dana objavljivanja u „Službenom listu Crne Gore“.

\*U ovaj zakon prenesene su odredbe Direktive (EU) 2024/1203 Evropskog parlamenta i Savjeta od 11. aprila 2024. godine o zaštiti životne sredine putem krivičnog prava i stavljanju van snage direktiva 2008/99/EZ i 2009/123/EZ